

ایہوج و ماہوج

صاحبی

محمد توفیق

مولوہ قائم مقام سابق و مرجان مکتب اعدادیسی
تاریخ عمومی معلمی

ناشری :



۱- تانبول

« مطبعہ ژرابر - کتہ ٹون » نفوس قلمی اتصالندہ نومبر ۳۳

۱۳۲۷





يأجوج و مأجوج





یاجوج و ماجوج طائفه سی دنیانک

نه طرفنده در ؟ [*]

هندستانك مركز اداره سی اولان قالكوته شهری ناچی افاضل علمادن
سید حسین ابن محمد علی بن شهاب با علوی طرفندن « یاجوج و ماجوج
طائفه سی کره ارضك نره سنده در ؟ » دیه واقع اولان سؤاله طرابلس شام
علماسندن شیخ حسین الجسری حضرتلری جانبندن وقتيله « طرابلس
الشام » جریده سنه درج قلنمش اولان عربی العبارة جوابك تركه خلاصه
ترجمه سیدر :

وقتيله سکنه ارضی تفرقه یه دوشورمش اولوب کره ارض

(*) « یاجوج و ماجوج » قاموسك بیانیه کوره یافث بن نوح علیه
السلامك اولادندن ایکی قبیله نك پدرلریدر. کمال اضطرابله اوتیه بری یه
طائفه لهرق انتشار ایلدکلری ایچون بونا ی الدیلر. بونلرک ایکی
قرنداش اولدقلری و چینده ایکی جسم قبیله نك رئیس بولندقلری
اکلاشیلورسه ده احوال سائر رینه دائر معلومات تاریخیه تصادف
اولنه مامش و یاجوجك وقتيله چینده مسکون (هون) طائفه سندن مفرز
(یاقوج) قبیله جسمه سی نامندن و ماجوجك « ماغوغ » قبیله سی نامندن
ویاخود « مانجور » دن معرب اولسی ماملندر.

اوزرنده موجودیت نصایله ثابت اولان طائفة یأجوج و مأجوج-
جک نه طرفرنده بولن سدیغی من القدیم اذهان عمومیه بی اشغال
ایتمکده اولدیغندن، مورخین هریدن بعضیلرینک روایاتنه نظراً
ملوک عباسیه دن الوائق بالله بیلله طائفة مزبورنک تحریری
ایچون چینه ایکی معتمد ذات کوندرمش و سد چینک [*]
مساحه سی و اوسافی حقنده معلومات ایدیت بیلدکری حالده
(یأجوج و مأجوج) طائفة سنه مصادف اوله مامشردی.

شو صوک عصرلرده آوروپالیرک دائراً مادر کره ارضی
طولا شهرق بونجه قطعات واقوام کشف ایده کلدکری و آمریقای
شمالیده کائن (غروئیلاند) اطمه سی سکانک دنیا ناک اک قیصه
آدملری اولان «اسکیمولر» ی و آمریقای جنوبی جهتلرنده کی

[*] سد چین اعظم مصنوعات بشریه دندر. شویله که طولی ۱۵۰۰
میل اولوب ارتفاعی ۲۰ و قالینلی ۲۰ قدمدر. اوزری خیلی واسع
بر جاده اولوب آلتی سواری یان یانه کیده بیلوردی. اساسندن آلتی قدم
ارتفاعنه قدر چارکوشه یونته طاشدن اولوب یوقاروسنک بعض محلری
طوغله و کرپیچ ایله بنا ایدلمشدر.

اشبو سدی، چینه جار ملاصق اولان مغول و منجوق طائفه لرینک
هجوم و تجاوزندن احترازاً «چین شوانفی» نام خاقان خلقتدن صکره
«۴۸۵» تاریخنده یعنی میلادک ۱۴۷ سنه مقدمنده بنا ایلمش ایسه ده
حصول مقصد و مدار اوله میوب مؤخرأ طائفة مذکوره چین الکاسنه یته

خلقك دخى سكنه ارضك اك اوزونى بولنان « پاناغونیا لیلر » ی
اولدینی حالدہ روی ارضدہ حالا « یا جوج و ما جوج » اسمندہ
بر طائفہ تصادف اولنہ مدینی معلومدر .

کرچه آورو بالیلر، ارضک شرق و غرب حوالیسندہ اجرای
کشفیات ایلملر سده بوز آتله لریله محاط اولوب اشعه شمسک مائلاً
واصل اولسنہ مبنی یک مظلم اولان وسنه نک قسم اعظمی « فجر شمالی » [*]

استیلا ایدرک زمام حکومت دخی اللرینه یکمش و بو صورتله برلشهرک
جمله سی بردوات جسمیه تشکیل ایتشدرد . سد مذکورک بناسندہ درت بش
میلون آدم اون سنه متاداً ایشلتدیریلوب بونلردن درت یوز بیکی بو
یولده تلف اولشدر . بناسندہ فوق الغایه اهتمام واعتنا اولدینی جهتله
الیوم ایکی بیک ایکی یوز سنه مرور ایلدیکی حالدہ بروجهلہ خلل پذیر
اولدینی مثلاً بوندن صکره دهانجه بیک سنه لر پایدار اوله جفی
شبه نرذر .

[*] فجر شمالی هوای نسیمیده اولان الکتریکک تأثیرله ظهور ایندن
حادثاتدر . کره ارضک قطبلرینه قریب محالدره کیجه وقتی جو هواده
قبه شکندہ بر ضیا ظهور ایدوب بر قاج ساعت طورر . حادثه مذکورہ
اولا نصف النهار مقناطیسیه موازی بر استقامتده و بر قوس شکندہ
صولوق صاری رنگلی اوله رق کورینوب بعده افقک هر طرفندہ ینه
اورنکده برچوق شعاعات احداث ایدر . وبونلرک جمله سی سمانک بر نقطه
سنه میل ابره سنک قطب جنوبیسی خداسنه متوجه اولملریله نورانی برقبه
شکلی حاصل اولور . اشبو حادثه نک وقوعندہ پوصله لرک ابره لری
استقامتلردن شاشه رق صاغه صوله انحراف ایلدیکی مجربدر .

دنیلان بر نوع آیدینقله ینسه مظلم کچن قطب شمالی ایله قطب جنوبی بی بحق کشفدن عاجز قالمشردر .

تاریخ شناسان زمانه معلوم اولدینی اوزره بوندن درت بش عصر، یعنی آمریقانک کشفندن مقدم آوروپانک غرب و آسیانک شرق جهتلرینه او عصرک علماسی « بحر ظلمات » دیرلردی . وحق ابحار مذکورهدن اوندهده قطعات مسکونه فرض ایدنلرک بیله کفرلرینه حکم ایدیلردی . ایشته اولوقلر « قریستوف قولومب » طرفدن آمریقانک کشفی اوزرینه دور کشفیات آچیلهرق ظهور ایدن بر چوق کاشفلر بالآخره کرهک بشنجی قطعهسی اولان اوسترایایی و دنیانک جهات سائرهنده برچوق محال مجهوله بی کشف ایشلردی . شو قدرکه سیاحین کشف ایلدکلری قطعاتک هر طرفنی آزوب، خطوه خطوه اولچمامش اولدقلرندن قطعات مکشوفه و مزبورده میاننده بالآخره نیجه کولار، نهرلر، طاغلر کشف ایدلمش اولدیغنه نظراً قطعات مزبورده صورت مکملهده کشف ایدیلهمامش و بلکه سیاحین « یاجوج مأجوج » ک بولندقلری قطعاتده کشفیات اجرا ایلدکلری حالده بولندقلری محلی بوله مامش اولدقلری فرض ایدلمش اولسه بیله عدم اکتشافاتک طائفه مزبورده نک من طرف الله زمان خروجلرینه قدر کشف ایدیلهمامک حکمتنه مستند اولسی لازم کله چکی شبهه سزدر .

بوندن صرف نظر قطعات خمسة ارضك هر نقطه سی تمامیه
و صورت مکمل ده کشف ایدیش اولسه بیله طائفة « یا جوج
و ما جوج » ک قطیندن برنده بولنسی مستبعد دکلدر. چونکه،
ذوالقرنینک [*] سیاحتی حقنده کی آیت کریمه کندیسنگ ارضك
اوج طرفی طولاشدیغنی ناطقدرکه بونلردن بری شرق، دیگر
ضرب و اوچنجیسی دخی جهت ثلثه در.

اوروپا الیرك شرق و غرب جهتلرنده اجرای کش-فیات
ایتمش اولدقلری تاریخاً و احواله هذه کره ارضك او جهتلری
معلوم اولسنه نظراً بوجهت ثلثه دن مقصد بالطبع قطیندن بریدر.
حتی مواد مبحوثه یی تأیید ایدن بر کیفیت دخی ذوالقرنینک
وزیری بولنان « خضر » [**] علیه السلام ایله برلکده عرض ظلماته

[*] اسکندر ذوالقرنین، و قتيله بمنده حکومت ایدن ملوک تابعه دندر.
برده اسکندر روی واردرکه ما کیدونیا حکمداری ایدی.
[**] خضر علیه السلام، اصل اسمی « خضرون » دیگر اسمی « ارمیا »
بعضیلری دخی « الیسع » دیرلر. مشار الیهک حضرت موسی علیه السلام
زماننده اولدیغی و انزلله ملاقات ایتدیکی آیت کریمه ایله ثابت اولوب
یعن ملکی « ذوالقرنین » ک دای زاده سی و وزیر ی اولدیغی دخی بعض
تواریخده مسطوردر. خضر علیه السلام ارض ظلماته ایچدیکی « آب
حیاة » متصوفین عندنده بسط قلبدن کتابه در.

سیاحت ایلدکری فقره سیدرکه بوراده ارض ظلماتدن مقصد
قطینندن بریدر. زیرا شمسک اکثریتله وحتی بعضاً هیچ رؤیت
اولنه مدینی محللر حوالی قطیه در. بو سببله درکه شمسک اکثریا
نمایان اوله مدینی قطب جهتلرنده صلواته خمسک نه بولده اداسی
لازم کله چکی حقنده فتهای سالفه آیروجه احکام شرعیه ترتیب
وتنظیم ایتمهک مجبور اولملاردی.

قطبلرده شمسی به قدر اکتشافات اجراسنک عدم امکانی
حوالی قطیه نک بوزطاعلرندن عبارت اولمش اولمندن منبعثدر [*].

بک اعلا . او حالده شدت برودتی قوشلرک طیراتی بیله
مانع بر درجه ده اولدینی حالده ذوالقرنینک عسکر بیله نصل
اولوبده اورالره کیتدیکی واوله برلرده طاققه «یا جوج و ما جوج» ک
نصل یشایه بیلدکاری وبلا آخره نصل اولوبده خروج ایده جکلری
سؤال اولنور ایسه شو وجهله جواب ویره رک مدعامن مرتبه
نبوته چیقارلمش اولور شویله که:

اولا: ذو القرنینک، قطبه کیتدیکی زمانلر قطینک اودرجه
لرده بوزلرله محاط اولمدینی زمانلر در.

[*] کرچه بوندن خیلی زمان اول بر جوق سیاحین قطبک کشفنه
کیتمشلر سده موفق اوله مدن عودت ایتدکری حالده بو دفعه «قوک»
و «پوری» نام آمریقایلرک قطب شمالی بی کشفه موفق اولدقلى معلومدر.

زیرا، بوکون حوالی قطبیه قریب بولنان مواقع باره دن
از جمله سبیریا قطه سنک بوزلرله مستور شمال قسمنده اجرای
حفریاتله مواقع حاره حیواناتندن بر جو قلیرنک مستحاناتنه
مثلاً، فیل کی کلرینه تصادف اولندیغنه نظراً اورالرك ادوار
سالفهده مواقع حاره دن اولدیغنه شبهه براقاز.
ذوالقرنین ایشته اولوقتلر قطبه کیتمش و یا جوج و ما جوجی
کشفله آنلرك صوات و هجوملرینی سد معلومك انشاسیله مانع
اولمیشدر.

اوندن صکره مرور زمانله اورالرك هواسی کسب برودت
ایلمش والحاله هذه مشاهده اولنان حاله کلمشدر.
ثانیاً، بو درجه صغوق اولان قطبلرده یا جوج و ما جوج
طائفه سنک نصل تعیش و اصرار حیات ایلمکده اولدقلری بحشه
کلتجه :

بو حال یکنظرده پک غریب کورینور. اقالیم دنیا، طبقات
ارض حقنده تبعاتده بولنانلره معلومدرکه اکثریا جبال ذروه لری
اوزرلرنده یاز وقیش موسملرنده هیچ قار و بوز اکیک
اولمیدینی و اوزالرده شدت برودت حکمفرما اولدینی حالده او
مثللو جبال اتکلرنده و یا قرینده کی وادیلرده انسان و حیواناتک
یشایه بیلدکلری کوریلور.

قطبلرده دخی مرور و عبوری مانع بونجه بوز کشته لرندن

متشکل طاغلوک اوتە جهتلرنده انسان و حیواناتک یشامه سنه
مساعدا اراضی و وادیلرک بولنسی دخی مستبعد دکدر .

سیاحینک کچه مدکلری بو بوز کتله لرینک اوتە جهتلرنده
یشیلک اراضینک ، ادامه حیاته مساعدا صحرایینک موجودیتنی
جناب قادر مطلقک جمله ارادات ازیله سندن بولندیغنه نیچون
ایمان ایتیمه لم ؟

ثالثاً : « یأجوج و مأجوج » طائفه سنک بویه بوز کتله لری
ایچندن فصل خروج ایده جکلری سؤالنه قارشیده شونی
دیه بیلیرز که ، مقدا مواقع خارهدن اولدینی آکلاش سیلان
قطبینک بعض جهتلری فصل مرور زمانله مواقع یارده یه تحول
ایتمش ایسه ایلروده تحولات و تبدلات جویه ایله ینه اقالیم خارده یه
تبدل و انقلاب ایدرک بوز کتله لرینک اریمه سیله جناب حقک
قرآن عظیم الشانده کی ارادات ازیله سی یرینی بولدینی زمان یعنی
معین اولان وقتک حلولنده « یأجوج و مأجوج » طائفه سنک
خروجلری طبیعیدر [*] .

[*] کچن روس وزاپون محاربه سنده « تهلکه عرق اصفر » نامیله
بتون اوروپا مطبوعاتنی اشغال ایدن مسئله بزم معتقد اولدیغمز « یأجوج
و مأجوج » طائفه سندن غلط اولسه کرکدر .







570 نیا ۱۷۱۴

۴۷-۵۷۰